



醫書六種

蘭臺軌範

九

武
170
9



門武
170
卷9

卷四湯方目

麻黃加水湯

防已黃芪湯

麻黃杏仁薏苡甘

草湯

桂枝附子湯

白朮附子湯

甘草附

子湯

二妙散

以上

白虎人參湯

一物瓜蒂湯

香薷飲

十味香薷飲

黃連香薷飲

枇杷散

蟬酥丸

千金丹

又刮痧法

以上

鱉甲煎丸

白虎加桂枝湯

蜀漆散

柴胡

云半夏加栝蒌湯

柴胡桂薑湯

蜀漆丸

陵鯉湯

療瘧病醫不能救者方

療瘧常山湯



牡蠣湯 清脾湯 常山飲 烏梅引子

集驗瘧必從以始療方 四獸湯以上瘧疾 桃花

湯 白頭翁湯 紫參湯 訶梨勒散 甘

草瀉心湯 黃芩湯 黃芩加半夏生薑湯

乾薑黃連黃芩人參湯 赤石脂禹餘糧湯 雄

黃丸 柴胡加芒硝湯 瓜蘆散 療熱毒痢

血片臍下絞刺痛方 主赤白痢方 療五

下痢方 薤白湯 訶梨勒丸以上痢症 生鍊洛為飲

桂枝去芍藥加蜀漆龍骨牡蠣救逆湯 柴胡

加龍骨牡蠣湯 治癩狂百病 葇荍子散

抱胆丸 琥珀壽星丸 控涎丹 獨效苦丁

香散 甘遂散 苦參丸以上癩症 苓桂甘木湯

甘遂半夏湯 十棗湯 小青龍湯 木防

已湯 木防已去石膏加茯苓芒硝湯 澤瀉湯

小半夏湯 小半夏加茯苓湯 葶藶大棗

瀉肺湯 桂苓五味甘草湯 苓甘五味薑辛湯

苓甘五味薑辛半夏湯 苓甘五味加薑辛半

夏杏仁湯 苓甘五味加薑辛半夏杏仁大黃湯

厚朴大黃湯 痰飲頭痛往來寒熱方 赤石

脂散 前胡丸 范汪大甘遂丸 礬石湯

金珠化痰丸 葛花解醒湯 以上射干麻黃湯

皂莢丸 厚朴麻黃湯 澤漆湯 越婢加

半夏湯 小青龍加石膏湯 杏仁煎 十味

九 療上氣方 鯉魚湯 觀音應夢散

補肺阿膠散 清音丸 葶藶丸 蘧子煎

蘧子降氣湯 治久嗽上氣心胸煩熱吐膿血方

以上 烏頭桂枝湯 蜘蛛散 大烏頭煎方

洗陰腫核痛 麝香大戟丸 濟生橘核丸

川練子丸 礪砂圓 蟬脫散 以上

蘭臺軌範卷四

吳江徐靈胎洄溪著

男 熾鼎和校

濕

金匱

太陽病關節疼痛而煩脉沉而細者此名濕痺濕痺之候
 小便不利大便反快但當利其小便 濕家之為病一身
 盡疼發熱身色如熏黃也 此黃與黃疸各別 濕家其人但頭汗出
 背強欲得被覆向火若下之早則噦或胸滿小便不利
 舌上如胎者以丹田有熱胸上有寒渴欲得飲而不能飲

則口燥煩也。濕家下之類上汗出微喘小便利者死若下利不止者亦死。風濕相搏一身盡疼痛法當汗出而解值天陰雨不止醫云此可發汗汗之病不愈者何也蓋發其汗汗大出者但風氣去濕氣在是故不愈也若治風濕者發其汗但微微欲出汗者風濕俱去也。濕家病身疼發熱百黃而喘頭痛鼻塞而煩其脉大自能飲食腹中和無病病在頭中寒濕故鼻塞內藥鼻中則愈。內鼻之藥金匱未載侯廣求其法以補之亦不過牙皂瓜蒂之類

濕方

麻黃加水湯 金匱 濕家身煩疼可與麻黃加水湯發其汗

為宜慎不可以火攻之

麻黃 三兩 去節 桂枝 二兩 去皮 甘草 一兩 炙 杏仁 七十個 去皮尖 白朮 四兩

右五味以水九升先煮麻黃減二升去上沫內諸藥煮

取二升半去滓溫服八合覆取微似汗 此濕家發汗之主方

防己黃芪湯 金匱 風濕脉浮身重汗出惡風者此湯主之

防己 一兩 甘草 半兩 炒 白朮 七錢 半 黃芪 一兩一分 去蘆 惡風黃芪主之

右剉麻豆大每抄五錢七生薑四片大棗一枚水盞半

煎八分去滓溫服良久再服 喘者加麻黃半兩 胃

中不和者加芍藥三分 氣上衝者加桂枝三分 下有陳寒者加細辛三分 服後當如虫行皮中從腰下如水後坐被上又以一被繞腰下温令微汗差

麻黃杏仁薏苡甘草湯 金匱 病者一身盡疼發熱日晡所

劇者名風濕此病傷於汗出當風或久傷取冷所致也

麻黃 半兩去節湯泡 甘草 一兩炙 薏苡仁 半兩 杏仁 十個去皮炙炒

右剉麻豆大每服四錢水一盞半煮八分去滓温服有

微汗避風

桂枝附子湯 金匱 傷寒八九日風濕相搏身體疼煩不能

自轉側不嘔不渴脉浮虛而澹者桂枝附子湯主之若

大便堅小便自利者去桂加白朮湯主之

桂枝 四兩去皮 生薑 三兩切 附子 三枚炮去皮破八片 甘草 二兩炙 大棗 二十枚

擘

右五味以水六升煮取二升去滓分温三服

白朮附子湯 金匱

白朮 二兩 附子 一枚半炮去皮 甘草 一兩炙 生薑 一兩半切 大棗 六枚

石五味以水三升煮取一升去滓分温三服一服覺身

痺半日許再服二服多盡其人如冒狀勿怪即是朮附

並走皮中逐水氣未得除故耳

甘草附子湯 金匱 風濕相搏骨節疼煩掣痛不得屈伸近

之則痛劇汗出短氣小便不利惡風不欲去衣或身微

腫者此湯主之

甘草 二兩 炙 附子 二枚 泡 去皮 白朮 二兩 桂枝 四兩 去皮

右四味以水六升煮取三升去滓溫服一升日三服初

服得微汗則解能食汗出復煩者服五合恐一升多者

服六七合為妙 此風濕而 兼寒者

二妙散 丹溪 治筋骨疼痛因濕熱者如有氣加氣藥如血

虛加血藥如痛甚以薑汁熱辣服之

黃柏 炒 蒼朮 炒去 皮

右為末生薑研沸湯調服如表實氣實者少酒佐之 在表

之濕當散之在裏之濕當 燥之諸方之義不外乎此

黑地黃丸 方見 通治

暍

金匱

太陽中暍發熱惡寒身重而疼痛其脈弦細訖遲小便已

洒洒然毛聳手足逆冷小有勞身即熱口開前板齒燥若

發其汗則惡寒甚，加溫針則發熱甚，若下之則淋甚。此中
中時行之熱氣，與卒然中暑病象如霍亂者不同，當別之。

暍方

白虎人參湯 金匱 太陽中熱者，暍是也。汗出惡寒，身熱而渴，此湯主之。

知母 六兩 石膏 一斤 甘草 二兩 粳米 六合 人參 三兩

右五味以水一斗煮米熟湯成，去滓溫服一升，日三服。
熱入裏則外惡寒，裏熱則惡寒自解，然亦須詳審有表無表，方為精密。况凡屬汗出多之病，無不惡寒者，以其惡寒汗出而誤認為寒，用大順散等熱劑，則立危矣。

一物瓜蒂湯 金匱 太陽中暍，身熱疼重而脈微弱，此以夏

月傷冷水，水行皮中，所致也。分量大小時裁。

瓜蒂 二十個

右挫以水一升煮取五合，去滓頓服。此方服之當吐。

香薷飲 局方 治暑熱乘涼飲冷，陽氣為陰邪所遏，頭痛發

熱惡寒，煩燥口渴，腹滿吐瀉者。治暑惡心腹自瀉。

香薷 一斤 厚朴 薑汁炒 白扁豆 炒各半斤

右水煎浸冷服。此治時行暑病之主方，其分兩則五錢至一兩止。

十味香薷飲 人參 甘草 黃芩 木瓜 刺楸 白木 芍藥

即前方加入參甘草黃芪木瓜陳皮白朮茯苓

黃連香薷飲

即香薷飲加黃連四兩薑汁同炒黃色

枇杷散局方治中暑伏熱煩渴引飲嘔逆惡心頭目眩暈

枇杷葉 陳皮 丁香 厚朴各五錢 白茅根

麥冬 木瓜 甘草炙各一兩 香茹七錢半

右為末每二錢薑三片煎湯調服温服亦可如煩燥并

水調下小兒三歲以下服五分量大小加減

蟬酥丸秘方

茅朮 雄黃各一兩 辰砂五錢 麝香一錢 丁香 牙

皂各三錢 蟬酥五錢

右用火酒化蟬酥打丸如鳳仙子大辰砂為衣放舌底

化下重者二三丸

千金丹秘方即人馬平安散

麝香 冰片各二錢 硃砂五錢 雄黃 硼砂 硝

各一兩 金箔一百張或加牛黃

右七味為末或水服二三分或嗅少許於鼻內

又刮痧法

用薄錢醮香油刮胸背及臂股灣令色紫疹起為度或用婦人縛髮油繩醮油刮亦可

紫金錠

藕合丸

局方

藿香正氣散

局方

生脉飲

六一散

以上俱見通治

痲瘧

素問

瘧論黃帝問曰夫痲瘧皆生於風其畜作有時者何也岐伯曰瘧之始發也先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲冷飲帝曰何氣使

然岐伯曰陰陽上下交爭虛實更作陰陽相移也陽并於陰則陰實而陽虛陽明虛則寒慄鼓頷也巨陽虛則腰背頭項痛三陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱外內皆熱則喘而渴故欲冷飲也此皆得之夏傷於暑熱氣盛藏於皮膚之內腸胃之外此營氣之所舍也此令人汗空踈腠理開因得秋氣汗出遇風及得之以浴水氣舍於皮膚之內與衛氣并居衛氣者晝日行於陽夜行於陰此氣得陽而外出得陰而內薄內外相薄是以日作帝曰其間日作者何

也。岐伯曰：其氣之舍深內，薄於陰，陽氣獨發，陰邪內着，陰與陽爭，不得出，是以間日而作也。帝曰：其作日晏，與日早者，何氣使然？岐伯曰：邪氣客於風腑，循督而下，衛氣一日一夜大會於風腑，其明日日下一節，故其作也。晏此先客於脊背也，每至於風腑，則腠理開，腠理開則邪氣入，邪氣入則病作，以此日作稍稍益晏，其出於風腑，日下一節，二十五日下至骶骨，二十六日入於脊內，注於伏膂之內，其氣上行，九日出於缺盆之中，其氣日高，故作日益早，其間日發者，由邪氣內薄於五臟，橫連募原，其道遠，其氣深，其

行遲，不能與衛氣俱行，不得皆出，故間日乃作也。帝曰：夫子言衛氣每至於風腑，腠理乃發，發則邪氣入，入則病作，今衛氣日下一節，其氣之發也不當風腑，其日作者奈何？岐伯曰：此邪氣客於頭項，循督而下者也，故虛實不同，邪中異所，則不得當其風腑也，故邪中於頭項，氣至頭項而病，中於背，氣至背而病，中於腰脊，氣至腰脊而病，中於手足，氣至手足而病，衛氣之所在與邪氣相合，則病作，故風無常腑，衛氣之所發，必開其腠理，邪氣之所合，則其腑也。帝曰：善。夫風之與瘧也，相似同類，而風獨常在，瘧得有時。

而休者何也岐伯曰風氣留其處故常在瘧氣隨經絡沉
以內薄故衛氣應乃作帝曰瘧先寒而後熱者何岐伯曰
夏傷於大暑其汗大出腠理開發因遇夏氣淒滄之水寒
藏於腠理皮膚之中秋傷於風則病成矣夫寒者陰氣也
風者陽氣也先傷於寒而後傷於風故先寒而後熱病以
時作名曰寒瘧帝曰先熱而後寒者何也岐伯曰此先傷
於風而後傷於寒故先熱而後寒亦以時作名曰溫瘧其
但熱而不寒者陰氣先絕陽氣獨發則少氣煩寃手足熱
而欲嘔名曰瘧瘧內經之文亦論其理如此其實病變不
同不可執一而論此等極多不獨論瘧

為然故學者當以意會也岐伯曰瘧之且發也陰陽之且移也必從四
末始也陽已傷陰從之故先其時堅束其處令邪氣不得
入陰氣不得出審候見之在孫絡盛堅而血者皆取之此
真往而未得并者也帝曰時有間二日或至數日發或渴
或不渴其故何也岐伯曰其間日者邪氣與衛氣客於六
腑而有時相失不能相得故休數日乃作也其以秋病
者寒甚以冬病者寒不甚以春病者惡風以夏病者多汗
瘧脈緩大虛便宜用藥不宜用鍼凡治瘧先發如食頃
乃可以治過之則失時也諸瘧而脈不見刺十指間出血

血去必已先視身之赤如小豆者盡取之瘡疾藥當在赤來時前服刺瘡之法簡易可學不必習針法皆能之亦治瘡之要訣也

風瘡 素生氣通天論魄汗未盡形弱而氣燥穴腠以閉

發為風瘡 又云夏傷於暑秋為痲瘡二日一發者為痲瘡痲瘡與瘡同

似瘡 素生真要大論帝曰火熱復惡寒發熱如有瘡狀

或一日發或間數日發其故何也岐伯曰勝復之氣會合

之時有多少也陰氣多而陽氣少則其發日遠陽氣多而

陰氣少則其發日近此勝復相搏盛衰之節瘡亦同法瘡亦

同法則非瘡可知

金匱

師曰瘡脈自弦弦數者多熱弦遲者多寒弦小緊者下之

差弦遲者可溫之弦緊者可發汗針灸也浮大者可吐之

弦數者風發也以飲食消息止之但熱不寒者邪氣內

藏於心外舍分肉之間令人消燦肌肉

牡瘡 瘡多寒者名曰牡瘡似當作牝字諸本皆作牡存考

瘡方

驚甲煎圓金匱 病瘡以月一日發當以十五日愈設不差

當月盡解如其不差當云何師曰此結為癥瘕名曰瘡

毋急治之宜此方

驚甲十一分 烏扇三分 黃芩三分 柴胡六分 鼠婦三分 乾

薑三分 大黃三分 芍藥五分 桂枝三分 葶藶一分 石韋

三分 厚朴三分 牡丹五分 瞿麥二分 紫威三分 半夏一分

去毛 人參一分 麤虫五分 阿膠三分 蜂窠四分 赤消十二分

蟻蜋六分 桃仁二分

右二十三味為末取鍛灶下灰一斗清酒一斛五斗浸灰候酒盡一半著驚甲於中煮令泛爛如膠漆絞取汁內諸藥煎為丸如梧子大空心服七九日三服

白虎加桂枝湯

金匱

溫瘧者其脈如平身無寒但熱骨節

疼煩時吐此湯主之

知母六兩 甘草二兩 石膏一斤 粳米二合 桂枝三兩

右剉每五錢水一盞半盞至八分去滓溫服汗出愈內經

以先熱後寒為溫瘧但熱不寒為瘧瘧

蜀漆散

金匱

瘧多寒者名曰牡瘧此湯主之牡宜作牝

蜀漆洗去腥 雲母燒二日夜 龍骨等分

右三味杵為散未發前以漿水服半錢七溫瘧加蜀

漆半分臨發時服一錢七

柴胡去半夏加栝蔞湯 金匱 治瘧病發渴者亦治勞瘧。

柴胡 八兩 人參 黃芩 甘草 各三兩 栝蔞根 四兩

生薑 二兩 大棗 十二枚

右七味以水一斗二升煮取六升去滓煎取三升温服一升日二服。

柴胡桂薑湯 金匱 治瘧寒多微有熱或但寒不熱。

柴胡 半斤 桂枝 三兩 乾薑 二兩 栝蔞根 四兩 黃芩 三兩

牡蠣 二兩 甘草 二兩

右七味以水一斗二升煮取六升去滓再煎取三升日

三服初服微煩復服汗出便愈。

蜀漆丸 千金 主瘵瘧連年不差服三七日定差方。

蜀漆 知母 白薇 地骨皮 麥門冬 去

心升麻 各五分 恒山 一兩 石膏 二兩 香豉 一合 菱麩

烏梅肉 鱉甲 各一兩 甘草

右十三味搗篩為末煉蜜和丸如桐子大空腹飲服十

丸日再加至二三十九 此方治三日瘵為宜

陵鯉湯 千金 主瘵疾江南瘴瘧方。

陵鯉甲 四十枚 烏賊魚骨 附子 泡各一兩 恒山 三兩

瘵丸 治瘵

卷四

三

右五味咬咀以酒三升漬一宿未發前稍稍啜之勿絕吐之并塗五心一日斷食過時久乃食用生藥探吐法

療瘧病醫不能救者方千金翼外治截瘧法

以繩量病人脚圍繞足跟及五指一匝訖截斷繩取所量繩置項上着反向背上當繩頭處中脊骨上灸三十壯則定候看復惡寒急灸三十壯則定氏至過發一炊久候之雖飢勿與食盡日此神驗男左足女右足

療瘧常山湯外臺吐法

常山三兩

右一味切以漿水三升浸經一宿煎取一升欲發前頓服之後微吐差止忌生葱生菜

牡蠣湯外臺治牡瘧

牡蠣四兩麻黃四兩甘草二兩蜀漆二兩
去節

右四味以水八升先煮蜀漆麻黃去上沫得六升內諸藥煮取二升溫服一升若吐則勿更服

清脾湯濟生治熱多陽瘧

青皮 厚朴 柴胡 黃芩 半夏 甘草

草薢 茯苓 白朮 草果煨

右九味加薑三片水煎服

常山飲 局方 治痰瘧

常山 炒火酒 知母 貝母 草果 檳榔 各一烏

梅 三個

右六味加薑棗煎瘧未發時面東溫服

烏梅引子 療溫瘧勞瘧

烏梅 七個 桃柳心 各七莖 葱白 七莖 豆豉 一合 甘草 四分

柴胡 四分 知母 四分 大黃 三分

右八味各細剉以童子小便兩茶碗宿浸明旦早煎三

二沸去滓頓服差未差更作服三服永差忌海藻菘菜
集驗瘧必從四肢始療方

先其時一日頃用細左索繩緊束其手足十指過發時

乃解之 此即內經之法

四獸湯 易簡 治食瘧諸瘧和胃消痰

半夏 人參 茯苓 白朮 橘紅 草

果 生薑 烏梅 大棗 甘草 各等分

右以鹽少許淹食頃濕紙厚裹慢火煨香熱每服四錢

溫服

小柴胡湯

見傷寒土

治瘧之法不外諸方惟三日瘧則煎劑不能取效宜病日用煎方以驅邪餘兩日用溫補以扶元氣又加避風靜養則度幾矣

痢

素問

通評虛實論帝曰腸澼便血何如岐伯曰身熱則死寒則生帝曰腸澼下白沫何如岐伯曰脉沉則生脉浮則死帝曰腸澼下膿何如岐伯曰脉懸絕則死滑大則生帝曰腸澼之屬身不熱脉不懸絕何如岐伯曰滑大者曰生懸澼

者曰死以臍期之氣厥論腎移熱於脾傳為虛腸澼死不可治大奇論腎脉小搏沉為腸澼下血血溫身熱者死心肝澼亦下血二臟同病者可治其脉小沉澹為腸澼其身熱者死太陰陽明論犯賊風虛邪陽受之飲食不節起居不時者陰受之陽受之則入六腑陰受之則入五臟入六腑則身熱不時臥上為喘呼入五臟則填滿閉塞下為殞泄久為腸澼此俗所謂腸紅病也

未九金匱

六腑氣絕於外者手足寒上氣脚縮五臟氣絕於內者痢

不禁下甚者手足不仁。下痢脉沉弦者下重脉大者爲未止脉微弱數者爲欲自止雖發熱不死。下痢手足厥冷無脉者灸之不温若脉不還反微喘者死少陰負跌陽者爲順也。下痢有微熱而渴脉弱者令自愈。下痢渴者自愈以陽氣復而寒邪去也。下痢脉數有微熱汗出令自愈設脉緊爲未解下痢脉數而渴者令自愈設不差必清膿血以有熱故也。下痢氣者當利其小便。下痢清穀不可攻其表汗出必脹滿。下痢脉沉而遲其人面少赤身有微熱下痢清穀者必鬱冒汗出而解病人必微厥所以然者其面帶陽

下虛故也。下痢後脉絕手足厥冷時時脉還手足温者生不還者死。下痢腹脹滿身體疼痛者先温其裏乃攻

其表。以上諸症皆屬陰寒之痢非暑毒之痢也治法大相懸殊

病源

痢而赤白者是熱乘於血血滲於腸內則赤也冷氣入腸搏腸間津液凝滯則白也冷熱相交故赤白相雜重者狀如膿涕而血雜之輕者白膿上有赤脉薄血狀如魚脂腦世謂魚腦痢也。血痢者熱毒折於血入大腸故也。

沐息痢者胃腕有停飲因痢積久或冷氣或熱氣乘之氣動於飲則飲動而腸虛受之故為痢也

痢如膏由臟腑虛冷氣入於大腸成痢冷氣積腸又虛滑脂凝如膏也

蠱蛀痢毒氣停於臟腑如病蠱蛀之家痢血雜膿瘀黑有片如雞肝與血俱下是也

雜痢謂痢色無定或水穀或膿血或青或黃或赤或白變雜無常或雜色相兼而痢也挾熱則黃赤熱甚則變膿血也冷則白冷甚則青黑皆由飲食不節冷熱不調胃氣虛

故變易

痢方

桃花湯

金匱

下痢便膿血者此湯主之

赤石脂

一斤一半剉

乾薑

一兩

粳米

一升

右三味以水七升煮米令熟去滓溫服七合內赤石脂末方寸七日三服若一服愈餘勿服

白頭翁湯

金匱

熱痢下重者此湯主之

白頭翁

黃連

黃柏

秦皮

各三兩

右四味以水七升煮取二升去滓溫服一升不愈再服

紫參湯

金匱

下痢肺痛此湯主之

紫參

半斤 甘草 三兩

右二味以水五升先煮紫參內甘草煮取一升半分温

三服

紫參疑卽爛上染紅色者

訶梨勒散

金匱

治氣痢

訶梨勒

十枚煨

右一味爲散粥飲和頓服

甘草瀉心湯

傷寒論

傷寒中風醫反下之其人下痢日數行

穀不化腹中雷鳴心下痞鞭而滿乾嘔心煩不得安此

湯主之

甘草

四兩

黃芩

二兩

乾薑

各三兩

半夏

半升

黃連

一兩

大

棗

十二枚

右六味以水一斗煮取六升去滓再煎取三升温服一

升日三服

此治上焦不和之痢

黃芩湯

傷寒論

太陽與少陽合病自下痢者與黃芩湯若嘔

者黃芩加半夏生薑湯若傷寒本自寒下醫復吐下

之寒格更逆吐下若食入口卽吐乾薑黃連黃芩人參

湯主之

黃芩三兩 甘草 芍藥各二兩 大棗十二枚

右四味以水一斗煮取三升去滓溫服一升日再夜一

服此熱痢之主方

黃芩加半夏生薑湯傷寒論

即前方加半夏半升 生薑三兩 煎服法同

乾薑黃連黃芩人參湯傷寒論

乾薑 黃連 黃芩 人參各三兩

右四味以水六升者取二升分溫再服瀉心湯以下四方皆以黃芩為

注而因症加減此痢疾之正方也

赤石脂禹餘糧湯傷寒論 傷寒服湯藥下痢不止心下痞硬

服瀉心湯已復以他藥下之痢不止醫以理中湯與之

痢益甚理中者理中焦此痢在下焦此湯主之

赤石脂碎 禹餘糧碎各一斤

已上二味以水六升煮取二升去滓下焦乃大腸之底也 三服

雄黃丸 夷堅甲志云昔虞丞相自渠州被召途中冒

暑得疾泄瀉連月夢壁間有韻語方一紙讀之數遍其

詞曰毒暑在脾濕氣連脚不泄則痢不痢則瘧獨煉雄

黃蒸餅和藥甘草作湯服之安樂別作治療醫家大錯

如方製藥服之遂愈此方治暑毒痢

柴胡加芒硝湯傷寒論治傷寒胸滿而嘔日晡所發潮熱已

而微痢先以小柴胡解外後以此主之

即柴胡湯方加芒硝二兩

右先煮柴胡湯去滓內芒硝分溫再服不解更作

瓜蔓散 治五色痢久不愈者

瓜蔓 一個以炭火煨存性蓋地上出火毒

右研細溫酒服盡

療熱毒痢血片臍下絞刺痛方外臺

升麻 地榆 茜草 黃連各六分 犀角四分 生

地八分 梔子 薤白 香豉各二分

右九味水六升煮取一升五合分溫三服日再此血痢之主方

主赤白痢方外臺

黃連二兩 阿膠四片

右二味以酒二升合黃連煎十五沸去滓然後內阿膠

令烊溫服三升此治血熱之痢

療五疳蒸下痢方外臺

苦參 青箱 甘草炙各三兩

右三味以水四升煮取二升半分三灌即愈凡蒸但服

地汁即差此兼治虫

薤白湯活人書傷寒下痢如爛肉汁赤白滯下伏氣腹痛諸

熱毒並皆治之

豉半斤綿裹薤白一把 梔子七枚大者破之

右剉如麻豆大以水二升半先煮梔子十沸下薤白煎至二升許下豉煎取一升二合去滓每服一湯盞

訶梨勒丸局方治腸胃積寒久痢純白或有青黑日夜無

度

肉豆蔻去皮 木香 乾薑泡各二兩 縮砂仁 訶梨

勒皮 川烏頭泡去皮臍 白礬煨各二分 龍骨洗 赤石脂

各八兩

右為末用粟米飯為丸如梧子大每服二十九至三十丸溫粟米飲下食前服甚者加倍加丸數此溫瀉之劑

葛根湯 葛根黃芩黃連湯 當歸四逆湯 大

承氣湯 小承氣湯 四逆散 四逆湯

白通加猪胆汁湯 白通湯 四逆加人參湯

通脈四逆湯 猪膚湯 陽毒升麻湯以上十三方俱見傷

寒門生薑瀉心湯見嘔吐門烏梅丸方見威喜丸方和劑名感應此

癲狂癩

靈素

靈癲狂篇狂始生先自悲也喜忘苦怒善恐者得之憂飢
狂始發少卧不飢自高賢也自辯智也自尊貴也善罵
言日夜不休狂言驚善笑好歌樂妄行不休者得之大
恐狂目妄見耳妄聞善呼者少氣之所生也狂者多
食善見鬼神善笑而不發於外者得之有所大喜

骨癲 靈癲狂篇骨癲疾者顛齒諸膺分肉皆滿而骨居
汗出煩惋嘔多沃沫氣下泄不治

筋癲疾 靈癲狂篇筋癲疾者身倦攣急嘔多沃沫氣下
泄不治

脉癲疾 靈癲狂篇脉癲疾者暴仆四支之脉皆脹而縱
脉滿盡刺之出血嘔多沃沫氣下泄不治

素生氣通天論陰不勝其陽則脉流薄疾并乃狂 宣明
五氣論五邪所亂邪入於陽則狂 調經論血并於陰氣
并於陽故為驚狂 至真要大論諸躁狂越皆屬於火

通評虛實論帝曰癩疾何如岐伯曰脈搏大滑久自已脈
小堅急死不治帝曰癩疾之脈虛實何如岐伯曰虛則可
治實則死陽明脈解篇岐伯曰四支者諸陽之本陽盛
則四支實實則能登高也帝曰其棄衣而走者何也岐伯
曰熱盛於身故棄衣欲走也帝曰其妄言罵詈不避親踈
而歌者何也岐伯曰陽盛則使人妄言罵詈不避親踈而
不欲食不欲食故妄走也

陽厥怒狂 素病能論帝曰有病怒狂者此病安生岐伯
曰陽氣者因暴折而難決故善怒也病名曰陽厥帝曰治

之奈何岐伯曰奪其食即已使之服以生鐵洛為飲夫生
鐵洛者下氣疾也

胎病 素奇病論帝曰人生而有病癩疾者病名曰何安
所得之岐伯曰病名為胎病此得之在母腹中時其母有
所大驚氣上而不下精氣并居故令子發為癩疾也

難經

癩疾始發意不樂僵仆直視其脈三部陰陽俱盛是也一
重陽者狂重陰者癩

病源

風癩 風癩者由氣血虛邪入於陰經故也又人在胎其母卒大驚精氣并居令子發癩其發則仆地吐涎沫無所覺是也此俗名羊頭瘋

五癩 五癩者一曰陽癩發如死人遺尿食頃乃解二曰陰癩初生小時臍瘡未愈數洗浴因此得之三曰風癩發時眼目相引牽縱反強羊鳴食頃方解四曰濕癩眉頭痛身重坐熱沐頭濕結腦肺未止得之五曰馬癩發作時時反目口噤手足相引身體皆然

鬼魅 凡人有為鬼物所魅則好悲而心自動或心亂如醉狂言驚怖向壁悲啼夢寤喜魘或與鬼神交通病苦乍寒乍熱心腹滿短氣不能飲食此魅之所持也
十歲以上為癩十歲以下為癩大體不外三種風驚食是也

千金

驚癩 癩分心肝脾肺腎膈腸之病及馬牛羊猪犬雞之別其象各有所似

癩狂方

生鐵洛為飲素問

生鐵洛即爐治間錐落之鐵屑用水研浸可以為飲其屬金其氣寒而重最能墜熱開結平水火之邪故可以下氣疾除狂怒也凡藥中用鐵精鐵華粉鐵砂鐵綉水之類皆同此意此治怒狂之方以鎮肝為主

桂枝去芍藥加蜀漆龍骨牡蠣救逆湯傷寒論治傷寒脉浮

醫以火迫劫之亡陽必驚狂起卧不安者

即桂枝湯去芍藥加蜀漆三兩洗去腥牡蠣五兩熬龍骨四兩

右七味以水一斗煮取二升先煮蜀漆內諸藥煮取三升去渣温服一升

柴胡加龍骨牡蠣湯傷寒論治傷寒下之驚煩小便不利譫

語身重不能轉側此湯主之

柴胡 龍骨 人參 茯苓 鉛丹 黃

芩 桂枝各一兩半半夏二合大黃二兩牡蠣一兩生生薑

一兩半大棗六枚

右十二味以水八升煮取四升內大黃更煮去滓温服一升

治癩狂百病千金翼

大麻子四升上好者以水六升煮令芽生去滓煎取二升空

腹頓服或多言語勿怪但使人摩手足煮法

黃芩子散外亭治五癩

猪卵一具陰乾 黃芩子三斤 牛黃八分 鯉魚胆五分 桂

心一兩

右五味以清酒一升漬黃芩子暴令乾盡酒止搗合下

篩酒服五分日再當醉不知稍增

抱胆丸類方治一切癩癩風狂或因驚恐怖畏所致及婦

人產後血虛驚氣入心并室女經脉通行驚邪蘊結

水銀 硃砂細研各二兩 黑鉛一兩半 乳香一兩

右將黑鉛入銚子內下水銀結成砂子次下硃砂乳香

乘熱用柳木搥研勻丸雞豆大每服一丸井花水吞下

病者得卧切莫驚動覺來即安再服一丸除根

琥珀壽星丸局方治心胆被驚神不守舍或痰迷心竅恍

惚健忘妄言妄見

天南星一斤掘坑深二尺用炭火五升于坑內燒紅取出炭掃淨用好酒一斤燒將南星趁熱下坑內

用盆急蓋訖泥壅合經一宿取出再焙乾為末 琥珀四兩 硃砂一兩 研飛

右和猪心血三個生薑汁打麩糊攪令稠粘將心血和

入藥末丸如桐子大每服五十九丸煎人參湯下日三

控延丹

類方

治諸癩久不愈頑涎聚散無時變生諸症

川烏

用生

半夏

湯洗

白僵蚕

炒各半兩生薑汁浸一宿

鐵粉

三錢全研

蝎

甘遂

各二錢半麩裹煨

右為細末生薑自然汁為丸如菉豆大硃砂為衣每服十五丸食後生薑湯下忌食甘草

獨效苦丁香散

治忽患心疾癩狂不止得之驚憂痰

氣上犯心包當治其源

以苦丁香即瓜蒂半兩為末每服一錢井花水調滿盞投之得大吐熟睡勿令人驚起

甘遂散

類方

治癩狂及婦女心風血邪

甘遂末一錢用猪心取三管血三條和甘遂多少和之將心批作二片入藥在內合之綿縛外用皮紙裹濕慢火煨熟勿令焦取藥細研碾入辰砂末一錢和勻令作四丸每服一丸將所煨猪心煎湯化下再服用別猪心過半日大便下惡物後服調和胃氣丸此病乍作乍醒者甦不食迷癡者不治

苦參丸

外臺

治狂邪發惡或披頭大叫欲殺人不避水火

以苦參為末蜜丸桐子大每服十丸薄荷湯下

礞石滾痰丸

養生主論

蘇合香丸

局方

至寶丹

以上三方俱見通治

按癲癩一症其輕者不拘何方可愈重者必用銀鍊秘方僅能有效

痰飲

金匱

問夫飲有四何謂也師曰有痰飲有懸飲有溢飲有支飲
問曰何以異師曰其人素盛今瘦水走腸間漉漉有聲謂
之痰飲飲後水流在脇下欬唾引痛謂之懸飲飲水流行
歸於四肢當汗出而不汗出身體疼重謂之溢飲欬逆倚
息氣短不得卧其形如腫謂之支飲 水在心心下堅築

短氣惡水不得飲 水在肺吐涎沫欲飲水 水在脾少
氣身重 水在肝脇下支滿噎而痛 水在腎心下悸
夫心下有留飲其人背寒冷如水大 留飲者脇下痛引
缺盆咳嗽則輒已 胸中有留飲其人短氣而渴四肢歷
節痛脉沉者有留飲 膈上病痰滿喘咳吐痰則寒熱背
痛腰疼目泣自出其人振振身瞤劇必有伏飲 夫病人
飲水多必暴喘滿凡食少飲多水停心下甚者則悸微者
短氣脉雙弦者寒也皆大下後喜虛脉偏弦者飲也 病
痰飲者當以温藥和之 温藥和之治飲總訣 夫有支飲家久咳數歲

其脉弱者可治實大數者死其脉虛者必苦冒其人本有

支飲在胸中故也治屬飲家夫短氣有微飲當從小便

去之病溢飲者當發其汗水在中當利小便水在四肢當發汗此亦總訣嘔家

本渴渴者為欲解今反不渴心下有支飲故也假令瘦

人臍下有悸吐涎沫而癩眩此水也先渴後嘔為水停

心下此屬飲家全部內經無一痰字然世間痰飲之病最多惟仲景大創厥論而後萬世治痰之法

始脩

病源

癖飲 由飲水多水停聚兩脇之間遇寒氣相搏則結聚

成塊在腋下弦且起按之作水聲飲成形者為癖

酒癖 因太飲酒後渴而引飲無度酒與飲停滯在脇助

下結聚成癖時時作痛其狀脇下氣急而痛

鬲痰 謂痰水結於胸膈之上又犯大寒使陽氣不行令

痰水結聚不散而陰氣逆上上與風痰相結上衝於頭即

令頭痛或數歲不已久之腦痛故云鬲痰頭痛若手足寒

至節即死

痰飲方

苓桂甘朮湯金匱 心下有痰飲胸脇支滿目眩此方主之

商靈先施痰飲

卷四

三

短氣有微飲當從小便去之此主之腎氣丸亦主之

茯苓四兩 桂枝 白朮各三兩 甘草一兩

右四味以水六升煮取三升分溫三服小便則利

甘遂半夏湯金匱 病者脈伏其人欲自利利反快雖痢心

下續堅滿此為留飲欲去故也此湯主之

甘遂大者三枚 半夏十二枚 芍藥五枚 甘草如指大一枚

右四味以水二升煮取半升去滓以蜜半升和藥汁煎

取八合頓服之右遂甘草同用下飲尤速

十棗湯金匱 脈沉而弦者懸飲內痛此方主之 欬家其

脈弦為有水此主之 又支飲家欬煩胸中痛者不卒

死至一百日或一歲亦宜此湯

芫花熬 甘遂 大戟各等分

右三味搗篩以水一升五合先煮肥大棗十枚取八合

去滓內藥末強人服一錢七臈人服半錢平旦溫服之

不下者明日更加半錢得快之後糜粥自養此以散作湯法

小青龍湯金匱 治心下有水氣乾嘔發熱或咳或痢少腹

滿而喘

麻黃去節 芍藥各三兩 五味子半升 乾薑 甘草炙

細辛 桂枝去皮各三兩半夏半升湯洗

右八味以水一斗先煮麻黃減二升去上沫內諸藥煮取三升去滓溫服一升若微痢者去麻黃加芫花如雞子大熬令赤色渴者去半夏加栝藿根三兩噎者去麻黃加附子一枚泡小便不利少腹滿去麻黃加茯苓四兩喘者去麻黃加杏仁半升去皮共水防已湯金匱 脇間支飲其人喘滿心下痞堅面色黧黑其脈沉緊得之數十日醫吐下之不愈此湯主之虛者即愈實者三日復發復與不愈者宜此湯去石膏加茯

苓芒硝湯主之

木防已三兩石膏十二枚雞子大桂枝二兩人參四兩

右四味以水六升煮取二升分溫再服

木防已去石膏加茯苓芒硝湯金匱

即前方去石膏加茯苓四兩芒硝三合

右五味以水六升先煮四味取二升去滓內芒硝再微

煎分溫再服微痢則愈

澤瀉湯金匱 治心下有支飲其人苦冒眩

澤瀉五兩白朮二兩

右二味以水二升煮取一升分温再服此亦從小便去之法也

小半夏湯金匱嘔家本渴渴者為欲解今反不渴心下有支飲故也此湯主之

半夏半升生薑半斤

右二味以水七升煮取一升半分温再服此專嘔之方

小半夏加茯苓湯 治卒嘔吐心下痞膈間有水眩悸者此湯主之

者此湯主之

即前方加茯苓三兩一法四兩煎法同加茯苓而眩悸愈知茯苓治水之力大矣

葶藶大棗瀉肺湯金匱治支飲不得息

葶藶熬令黃色搗丸如彈子大大棗十二枚

右先以水三升煮棗取二升去棗內葶藶煮取一升頓

服不得息肺病也所以專治肺

桂苓五味甘草湯金匱欬逆倚息不得卧服小青龍已多

唾口燥寸脉沉尺脉微手足厥逆氣從小腹上冲胸咽手足痺其面翕熱如醉狀因復下流陰股小便難時復冒者與此湯治其氣衝

茯苓四兩桂枝四兩甘草炙三兩五味子半升

右四味以水八升煮取三升去滓分温三服此方五味子不與乾

薑同服因服小青龍之後發洩已甚而氣冲故專於欬肺也

苓甘五味薑辛湯 金匱 衝氣即低而反更咳胸滿者用桂

苓五味甘草湯去桂加薑辛以治其咳滿

茯苓 四兩 甘草 四兩 乾薑 四兩 細辛 各三兩 五味 半升

右五味以水八升煮取三升去滓温服半升日三

苓甘五味薑辛半夏湯 金匱 欬滿即止而更復渴衝氣復

發者以細辛乾薑為熱藥也服之當遂渴而渴反止者

為支飲也支飲者法當胃冒者必嘔嘔者復內半夏以

去其水

茯苓 四兩 甘草 四兩 細辛 四兩 乾薑 各二兩 五味 半升

夏 各半升

右六味以水八升煮取三升去滓温服半升日三

苓甘五味加薑辛半夏杏仁湯 金匱 水去嘔止其人形腫

者加杏仁主之其証應內麻黃以其人遂痺故不內之

若逆而內之者必厥所以然者以其人血虛麻黃發其

陽故也

即前方加杏仁 半升去皮 煎服法同

苓甘五味加薑辛半夏杏仁大黃湯 金匱 若面熱如醉此

商陸先煎痰飲

卷四

三

為胃熱上衝熏其面加大黃以痢之

即前方再加大黃三兩煎服法同以上五方因症加減精義當細參

厚朴大黃湯金匱支飲胸滿者主之

厚朴一尺大黃六兩枳實四枚

右三味以水五升煮取二升分溫再服專治胸滿

痰飲頭痛往來寒熱方千金

常山一兩雲母粉二兩

右二味搗篩為散熱湯服方寸匕吐之止吐不盡更服

赤石脂散千金痰飲吐水無時其源為冷飲過度脾胃氣

羸飲食入胃變冷水反吐不停

赤石脂三升

右一味為散服方寸匕酒飲並可下漸加三七盡三斤

終身不吐水又不下利補五臟令人肥健有人患飲諸

藥不瘥服此一斤即愈本事方云此方試之神效

前胡丸 治心頭痰積宿水嘔逆不下食

前胡 白朮 甘草各五分麥冬去心旋復花

豆蔻各三分人參六分枳實炙大黃各四分

右丸味為末蜜丸桐子大空腹酒下二十九丸漸加至三

十九忌桃李魚蒜等物 大寒則斷不二十其藥味至三

范汪大甘遂丸 外臺 治留水久癖

芫花 熬 甘遂 葶藶 熬 大黃 苦參 大

戟 三十枚去 芒硝 心 貝母 桂心 各一兩 杏仁 三十枚 巴豆

皮心熬 烏喙 三分炮

右十二味為末其巴豆杏仁搗如膏蜜丸如豆大服二

丸日三不知稍加以意將息之忌蘆筍猪肉生葱二

礬石湯 外臺 治胸中痰癖頭痛不欲食及飲酒則阻痰

礬石 一兩 以水二升煮取一升內蜜半升頓服之須臾

未吐飲少熱湯

金珠化痰丸 局方

治胸膈煩悶涕唾稠黏痰實咳嗽咽溢 不利

辰砂 研飛 生白龍腦 細研 皂莢子 炒黃 白礬 光明者於

熬汁盡 鈆白花 細研 天竺黃 研各一兩 金箔 二十片 半夏 湯

冷研 搗細作餅炙微黃色四兩

右以半夏皂莢子為末與諸藥研勻生薑汁煮麩糊丸

如桐子大每服十九至十五丸生薑湯下食後臨臥服

此方製半夏之法頗 妙治上膈之痰最宜

藹藹丸 痰飲

葛花解醒湯 東垣 治酒傷而成飲癖

蓮花青皮 三分 木香 五分 橘皮 去白 白茯苓 入參

猪苓 各一錢 神麴 炒 澤瀉 乾薑 白朮

各二錢 白豆蔻仁 葛花 砂仁 各五錢

右為細末和勻每服三錢白湯調下但得微汗酒病去矣不可恃此過飲頻服取汗以損天年

大青龍湯 金匱見 防己椒目葶藶大黃丸 金匱見 五苓散

金匱 二陳湯 和劑 腎氣丸 青州白朮 六君子湯

二賢散 以上六方俱見通治 小青龍加石膏湯 見咳

咳嗽 痰飲之症十居三四患之者無不胃疼嘔逆乃普天下醫家無人能知之者人立一說治無一效言之慨然

靈素

靈樞玉版篇咳脫形身熱脉小以疾是逆也不過十五日

而死矣 脉小以疾訣死之法盡此四字

素問欬論帝曰肺之令人咳何也岐伯曰五臟六腑皆令

人咳非獨肺也皮毛者肺之合也皮毛先受邪氣邪氣以

從其合也其寒飲食入胃從肺脉上至於肺則肺寒肺寒

則外內合邪因而客之則為肺咳五臟各以其時受病非

其時各傳以與之肺欬之狀咳而喘息有音甚則唾血心
欬之狀欬則心痛喉中介介如梗狀甚則咽痛喉痺肝欬
之狀欬則兩脇下痛甚則不可以轉轉則兩脇下滿脾欬
之狀欬則右肋下痛陰陰引肩背甚則不可以動動則欬
劇腎欬之狀欬則腰背相引而痛甚則欬涎 五氣之久
欬乃移於六腑脾欬不已則胃受之胃欬之狀欬而嘔嘔
甚則長虫出肝欬不已則胆受之胆欬之狀欬嘔胆汁肺
欬不已則大腸受之大腸欬狀咳而遺矢心欬不已則小
腸受之小腸欬狀欬而失氣氣與欬俱失腎欬不已則膀

胱受之膀胱欬狀欬而遺溺久欬不已則三焦受之三焦
欬狀欬而腹滿不欲食飲此皆聚於胃關於肺使人多涕
唾而面浮腫氣逆也 生氣通天論秋傷於濕上逆而咳
臟氣法時論腎病者腹大脰腫喘欬身重 示從容論
喘欬者是水氣并陽明也

金匱

久欬數歲其脉弱者可治其脉虛者必苦冒其人本有支
飲在胸中故也治屬飲家 上氣喘而噪者屬肺脹欲作
風水發汗則愈

外臺

十欬一曰風欬欲語因欬言不得終也二曰寒欬飲冷食
寒因之而欬也三曰支飲心下堅滿欬引四肢痛脈反遲
也四曰肝欬欬而引脇下痛也五曰心欬欬而吐血引手
少陰也六曰脾欬欬而涎出續續不止下引少腹也七曰
肺欬欬引頸項吐涎沫也八曰腎欬耳聾無所聞引腰并
臍中也九曰胆欬欬引頭痛口苦也十曰厥陰欬欬引舌
本也

咳嗽方

射干麻黃湯 金匱 咳而上氣喉中作水雞聲此湯主之

射干 十三枚一法三兩 麻黃 生薑各四兩 紫苑 欬冬花

各三兩 五味子 半升 細辛 三兩 半夏 八枚一法半升 大棗 七枚

右九味以水一斗二升先煮麻黃兩沸去上沫內諸藥

煮取三升分溫三服

皂莢丸 金匱 欬逆上氣時時唾濁但坐不得眠此方主之

皂莢 八兩刮去皮酥炙

右一味末之蜜丸梧子大以棗膏和湯服三九日二夜

一服 稠痰粘肺不能清滌非此不可

厚朴麻黃湯

金匱

欬而脉浮者此主之

厚朴

五兩

麻黃

四兩

石膏

如雞子大

杏仁

五十枚

半夏

各半升

乾

薑

各二兩

細辛

各二兩

小麥

一升

五味子

半升

右九味以水一斗二升先煮小麥熟去滓內諸藥煮取

二升溫服一升日三

脉浮風邪在表

澤漆湯

金匱

欬而脉沉者此主之

半夏

半升

紫參

五兩一作紫苑

澤漆

三斤以東流水五斗煮取一斗五升

生薑

半斤

白前

各五兩

甘草

各五兩

甘草

黃芩

人參

桂枝

各三兩

右九味咬咀內澤漆汁中煮取五升溫服五合至夜盡

脉沉伏飲在裏

越婢加半夏湯

金匱

咳而上氣此為肺脹其人喘目如脫

狀脉浮大者主之

麻黃

六兩

石膏

半斤

生薑

三兩

大棗

十五枚

甘草

二兩

半

夏

半升

右六味以水六升先煮麻黃去上沫內諸藥煮取三升

分溫三服

肺脹之喘最

多知者絕少

小青龍加石膏湯

金匱

肺脹咳而上氣煩躁而喘脉浮者

心下有水此主之

即小青龍加石膏二兩煎法同小青龍湯方見痰飲

杏仁煎外臺主氣嗽

杏仁一斤去皮糖一合凝酥一合生薑汁一合蜜五合貝

母八合另蘇子一升水研

右七味先搗杏仁如泥內後六味合煎如飴糖取如棗

大含嚙之日三但嗽發細細含之蘇子絞汁始有力

十味丸外臺治久嗽有聲成肺癰者

麻黃去節白前各二兩桑皮六兩射干四兩白薇三兩百

部五兩地黃六兩地骨皮五兩橘皮三兩

右為末蜜丸桐子大桑皮湯下十九日再服稍加至十

五丸

療上氣方外臺

葶藶五合熬紫桑白皮 大棗二十枚

右三味以水四升煮取一升去滓內葶藶子泥如棗大

煮三分減一以快痢為度

鯉魚湯外臺治上氣

杏仁熬貝母 桂枝各三兩橘皮 人參 甘

草炙厚朴炙麻黃去節茯苓 胡麻 白前

各二兩 生薑六兩 半夏五兩 鯉魚五斤

右以水二斗煮魚得一斗二升去魚肉藥煎取三升二

合分四服 按此方治咳嗽有水聲身浮腫最妙

觀音應夢散 夷堅志 治老人虛嗽

人參一寸 胡桃二枚不去皮

右二味以棗二枚薑五片水煎服

補肺阿膠散 錢乙 止嗽生津

阿膠一兩半 馬兜鈴焙 惡實炒 甘草炙各一兩 杏仁七錢

右加糯米一合水煎服 按此方治小兒天哮最效

清音丸 統旨 治咳嗽失音

桔梗 訶子各二兩 甘草五分 礪砂三錢 青黛三錢 冰片三分

右為末蜜丸龍眼大噲化一丸

葶藶丸 治肺氣咳嗽面目浮腫喘促不安小便赤色

甜葶藶隔紙炒 貝母煨黃色 木通各一兩 杏仁 防己各二兩

右為末棗肉為丸桐子大桑白皮煎湯下五十丸

蘼子丸 治上氣咳嗽

蘼子 生薑汁 生地汁 白蜜 杏仁各一

升

右搗蘓子以地黃汁薑汁澆之以絹絞取汁更搗以汁澆之絞令味盡去滓熬令杏仁微黃黑如脂又以汁澆之絹絞往來六七度令味盡去滓內蜜合和置瓦器中於湯上煎之令如飴每服方寸七日三夜此治久嗽
蘓子降氣湯局方 治虛陽上攻氣不升降上盛下虛痰涎壅盛胸膈噎塞并久年肺氣至效

蘓子 半夏各二錢半 前胡 甘草炙 厚朴 陳皮各八分 當歸二錢 沉香七分 薑三片

右水煎不拘時服若虛冷人加肉桂五分 黃芪一錢

治久嗽上氣心胸煩熱吐膿血方

蘓子 鹿角膠炒 杏仁炒各三兩 薑汁一合 白蜜一盞 生地汁一合

右將前三味搗令熟入薑汁地黃汁蜜相和慢火熬成膏磁器中密封之每服半匙許溫粥飲調下日三四服

此治寒嗽諸病之中唯咳嗽之病因各殊而最難愈治之稍誤即貽害無窮余以此症考求四十餘年而後稍能措手故所載之方至詳至悉學者當於此潛心參究勿輕視也

麥冬湯金匱見 小青龍湯 葶藶大棗瀉肺湯 桂

蘭臺先生 咳嗽

卷四

三

苓五味甘草湯

桂苓五味去桂加薑辛湯

又去

桂加薑辛半夏湯

又去桂加薑辛半夏杏仁湯

又去桂加薑辛半夏杏仁大黃湯

以上七方皆金匱治痰飲之方俱載痰飲門

麻黃附子細辛湯

仲景方見傷寒

烏梅丸

金匱見

金珠化痰丸

見痰

飲

人參蛤蚧散

寶鑑見虛勞

疝

靈素

靈經脉篇肝所生病為狐疝。血足厥陰病丈夫癩疝。婦人

少腹腫

素骨空論任脉為病男子內結七疝。督脉為病從少腹上衝心而痛不得前後為衝疝。陰陽別論三陽為病發熱寒其傳為頽疝。脉要精微論診得心脉而急病名心疝。少腹當有形也。

病原

七疝 七疝者厥疝癥疝寒疝氣疝盤疝肘疝狼疝此名七疝也。厥逆心痛足寒諸飲食吐不下名曰厥疝也。腹中氣乍滿心下盡痛氣積如臂名曰癥疝也。寒飲食即脇下腹中盡痛名曰寒疝也。腹中乍滿乍減而痛名曰氣疝也。

腹中痛在臍旁名曰盤疝也。腹中臍下有積聚名曰附疝也。小腹與陰相引而痛大便難名曰狼疝也。凡七疝皆由血氣虛弱飲食寒濕不調理之所生。

飢疝 陰氣在內寒氣客於足陽明手少陽之絡令食竟必飢心爲之痛名曰飢疝。

外臺

痛達背脊名曰疝。心下堅痛不可手迫名曰石疝。臍下結痛女子月事不時名曰血疝。少腹脹滿引膀胱急痛名曰脈疝。寒氣積於內上衝心如刀錐所刺四肢逆冷或唇

口變青名曰心疝。

癩疝堅大如斗。

諸疝惟癩疝最大而堅冲起犯心卽能殺人非

硫黃不治

疝方

烏頭桂枝湯

金匱

治寒疝腹中痛逆冷手足不仁若身疼

痛灸刺諸藥不能治者

烏頭

大者五枚熬去皮不必咬咀

以水二升煎減半去滓以桂枝湯

五合解之

又一煎法

令得一升後初服二合不知卽服三合

又不知復加至五合其知者如醉狀得吐者爲中病

蜘蛛散

金匱

陰狐疝氣者偏有小大時時上下此方主之

蜘蛛十四枚 桂枝半兩

右為散取八分一七飲和服日再服蜜圓亦可俗名偏墜

大烏頭煎方金匱 腹滿脉弦而緊弦則衛氣不行即惡寒

緊則不欲食邪正相搏即為寒疝遶臍痛苦發則白津

出手足厥冷其脉沉緊者此主之

烏頭大者五枚熬 水二升煮取一升去渣內蜜二升煎

令水氣盡又法取二升強人服七合弱人服五合不知

明日更服不可一日再服沉寒入裏非大熱之藥不治

洗陰腫核痛千金 治丈夫陰腫大如斗核中痛者

雄黃一兩 礬石二兩 甘草一尺

右以水一斗煮二升洗之神良

麝香大戟丸局方 治陰癰腫脹或小腸氣痛

葫蘆巴四兩 麝香一錢 大戟半兩 茴香炒黃 川棟子各

兩以好酒二升葱白七根長三寸同煮軟去核取肉和丸

木香 訶子酒浸 附子各一兩

右九味為丸如桐子大或酒或薑湯下五十丸此方通治疝氣

他如荔枝核青鹽牽牛等俱可加入不必因一二味之殊另各一方

濟生橘核丸 治四種癰病卵核腫脹偏有大小或堅

硬如石痛引臍腹甚則膚囊腫脹成瘡時出黃水或癰腫癩爛

橘核炒 海藻 昆布 海帶各泡 川練肉炒

桃仁麩炒各一兩 製厚朴 木通 枳實麩炒 延胡索

炒 桂心 木香各一兩

右為細末酒丸桐子大每服七十九酒鹽湯下此藥堅之藥

川練子丸 治疝氣及一切下部之疾腫痛縮小雖多年服此藥永去病根

川練子淨肉一斤分四處四兩用麩一合班貓四十九個同麩炒黃色去麩班貓不用四兩用麩一合

巴豆四十九粒同麩炒黃色去麩巴豆不用四兩用麩一合巴戟一兩同麩炒黃色去麩巴戟不用四兩用鹽一兩茴香一合同炒黃木香一兩不見火 破故紙一兩炒香為度 色去鹽及茴香不用

右為末酒糊丸如桐子大每五十九丸鹽湯下甚者日進

三兩服空心食前

礪砂圓本事方 有人貨疝氣藥日數千文有一國醫多金得

之用之良驗

木香 沉香 巴豆肉各一兩 青皮二兩 銅青半兩研

礪砂一分研

右上一二香青皮三味細剉同巴豆慢火炒令紫色為度

去巴豆為末入青砂二味研勻蒸餅和丸如桐子大每服七丸至九九鹽湯吞下二三服空心食前服按此方

理而用銅青更奇此等所謂海上方也

蟬脫散

治浮囊腫小兒坐地為蚓或蟻吹著

蟬脫

半兩

水一碗煎湯洗再溫再洗仍與五苓散加燈

心煎服

或用石炭湯洗

當歸生薑羊肉湯

見通治

撞氣阿魏丸

見嘔吐

蘭臺輓範卷四終

